

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ

Кабинет секретара Представничког дома



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM

Kabinet sekretara Predstavničkog doma
Ured tajnika Zastupničkog doma

Broj: 01-02-1-1374/17

Sarajevo, 1.6. 2017.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO. | | 01-06-2017 | |
| Organizaciona jedinica | Klasifikaciona oznaka | Redni broj | Broj priloga |
| | | | |

B

Predmet: Prijedlog zakona o izmjenama Zakona o osnovama sigurnosti prometa na cestama u Bosni i Hercegovini, predlagatelj: zastupnik Momčilo Novaković, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjenama Zakona o osnovama sigurnosti prometa na cestama u Bosni i Hercegovini, čiji je predlagatelj zastupnik Momčilo Novaković, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,



TAJNIK
ZASTUPNIČKOG DOMA
Marin Vukoja

Dostaviti:

- naslovu
- a/a

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma, održanoj __. 2017. godine, i na __. sjednici Doma naroda, održanoj __. 2017. godine, usvojila je

ZAKON
O IZMJENAMA ZAKONA O OSNOVAMA SIGURNOSTI SAOBRAĆAJA NA
PUTEVIMA U BOSNI I HERCEGOVINI

Član 1.

U Zakonu o osnovama sigurnosti saobraćaja na putevima u Bosni i Hercegovini („Službeni glasnik BiH”, br. 6/06, 75/06, 44/07, 84/09, 48/10, 18/13 i 8/17), u članu 129b. stav (1) briše se.

Dosadašnji st. (2) i (3) postaju st. (1) i (2).

Član 2.

U članu 184. stav (2) tač. 3., 4. i 5. mijenjaju se i glase:

„3. 21 godinu za kategorije C i CE;

4. 21 godinu za potkategorije D1 i D1E;

5. 24 godine za kategorije D i DE.“

Član 3.

U članu 184a. stav (7) mijenja se i glasi:

„(7) Vozačku dozvolu za kategoriju D mogu dobiti samo oni vozači koji već imaju vozačku dozvolu za kategorije C ili D1 najmanje dvije godine.“

Član 4.

U članu 238. stav (1) tačka 24) briše se.

Član 5.

U članu 239. stav (1) tačka 21a) briše se.

Član 6.

Ovaj zakon stupa na snagu osmog dana od dana objavljivanja u "Službenom glasniku BiH".

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I. USTAVNI OSNOV

Ustavni osnov za donošenje ovog zakona sadržan je u odredbama člana IV. a) Ustava Bosne i Hercegovine kojim se regulira nadležnost Parlamentarne skupštine Bosne i Hercegovine za donošenje zakona.

II. RAZLOZI ZA DONOŠENJE IZMJENA ZAKONA

Komisiji za saobraćaj i komunikacije Predstavničkog doma Parlamentarne skupštine BiH obratila se Asocijacija autoškola Bosne i Hercegovine dopisom od 30.3.2017., u kojem ukazuje na propust u Zakonu o izmjenama i dopunama Zakona o osnovama sigurnosti saobraćaja na putevima u Bosni i Hercegovini („Službeni glasnik BiH”, broj 8/17). Naime, istakli su da je u članu 184. stav (2) tačka 5) propisano da pravo upravljanja motornim vozilom kategorija D i DE stiče lice koje navrší 24 godine pod uslovom da ima vozačku dozvolu potkategorija D1 ili D1E najmanje dvije godine. Navode da bi ovakva izmjena dovela do toga da u naredne dvije godine niko u Bosni i Hercegovini ne bi ispunjavao uslove za polaganje vozačkog ispita za D i DE kategorije. Predlažu da se izmjenom čl. 184. i 184a. Zakona licima koja imaju vozačku dozvolu za kategoriju C omogući dobivanje vozačke dozvole za kategoriju D.

Napominjem da je zakonskim odredbama u Srbiji propisano da lica koja imaju vozačku dozvolu za kategoriju C mogu dobiti vozačku dozvolu za kategoriju D. Također, u Hrvatskoj je čak propisano da lica koja imaju vozačku dozvolu za kategoriju B mogu dobiti vozačku dozvolu za kategoriju D, što je u skladu s članom 6. Direktive 2006/126/EZ Evropskog parlamenta i Vijeća od 20.12.2006.

S obzirom na navedeno, jasno je da je zahtjev Asocijacije autoškola Bosne i Hercegovine potpuno opravdan. Također, radi prevazilaženja uočenih nedostataka u primjeni Zakona za određene prekršaje, potrebno je preciznije definiranje kaznenih odredbi.

III. PRINCIPI NA KOJIMA JE ZASNOVAN ZAKON

Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini zasnovan je na principima odgovornosti, utvrđivanja pravilnih uslova za dobivanje vozačke dozvole i efikasnog kažnjavanja prekršilaca u saobraćaju

IV. OBRAZLOŽENJE PREDLOŽENIH RJEŠENJA

Član 1.

Članom 1. Prijedloga zakona u članu 129b. stav (1) briše se, jer je ovaj stav već sadržan u članu 102. stav (4).

Član 2.

Izmjenom člana 184. Zakona brišu se uslovi posjedovanja odgovarajuće kategorije za dobivanje vozačke dozvole određene kategorije, s obzirom na to da su ti uslovi navedeni u članu 184a.

Član 3.

Izmjenom člana 184a. stav (7) Zakona omogućava se i vozačima koji posjeduju vozačku dozvolu kategorije C najmanje dvije godine da mogu polagati za kategoriju D.

Član 4.

Izmjenom člana 238. Zakona briše se kaznena odredba koja je već sadržana u članu 237. tač. 15) i 15a).

Član 5.

Izmjenom člana 239. Zakona briše se kaznena odredba koja je već sadržana u članu 237. tačka 15b).

Član 6.

Ovim članom propisuje se stupanje na snagu ovog zakona.

V. FINANSIJSKA SREDSTVA POTREBNA ZA PROVOĐENJE ZAKONA

Za provođenje ovog zakona nije potrebno osigurati dodatna sredstva u budžetu institucija Bosne i Hercegovine i međunarodnih obaveza Bosne i Hercegovine.